

Na osnovu tačke VII Pravilnika o utvrđivanju kriterija i postupka za dodjelu sredstava na ime učešća Općine Tuzla u razvoju primarne poljoprivredne proizvodnje ("Službeni glasnik Općine Tuzla", broj 04/14), Služba za razvoj, poduzetništvo i društvene djelatnosti Grada Tuzla objavljuje:

JAVNI POZIV
za predaju prijedloga projekata u okviru namjenskih sredstava
Budžeta Grada Tuzla za 2016. godinu, za podršku razvoja primarne poljoprivredne
proizvodnje na području grada Tuzla

I. Predmet javnog poziva:

Javni poziv usmjeren je prema nevladinim organizacijama (udruženjima), poljoprivrednim zadrugama, registrovanim na području Bosne i Hercegovine, s ciljem apliciranja projekata iz oblasti razvoja primarne poljoprivredne proizvodnje na području grada Tuzla.

Projekti koji se kandiduju trebaju biti u skladu sa ciljevima iz Strategije razvoja općine Tuzla do 2026. godine i Smjernica za unapređenje procesa ruralnog razvoja, u sljedećim prioritetnim oblastima:

- razvoj održive poljoprivredne proizvodnje,
- pružanje podrške poljoprivrednim proizvođačima u edukaciji, animiranju za bavljenje poljoprivrednom proizvodnjom i podizanju nivoa tehnologije u poljoprivrednoj proizvodnji,
- promociji poljoprivredne proizvodnje i osiguranju.

U Budžetu Grada Tuzla za 2016. godinu, obezbjeđena su sredstva za projekte podrške razvoja primarne poljoprivredne proizvodnje, pozicionirana kao:

1. Kapitalni grant za razvoj primarne poljoprivredne proizvodnje, u ukupnom iznosu od **121.933,80 KM.**

Iz ovih sredstava podržat će se projektni prijedlozi čije se aktivnosti odnose na uspostavljanje novih poljoprivrednih kapaciteta i to kod proizvođača koji prvi put pokreću proizvodnju, kao i za proširenje poljoprivrednih kapaciteta, a s ciljem razvoja poljoprivrede na cijelom području grada Tuzla, u funkciji povećanja proizvodnje hrane, stvaranja novih prihoda.

U konceptu razvoja kapaciteta u oblasti primarne poljoprivredne proizvodnje, akcenat je na sljedećim vrstama poljoprivredne proizvodnje: plasteničkoj proizvodnji povrća (nabavka plastenika standardne kvalitete), voćarstvu (podizanje novih nasada voća, prioritetno nasada maline, kao i ostalog jagodičastog voća i nasada visokostablašica, te nabavka opreme za preradu voća), u stočarstvu (nabava steonih junica i muzilica), i povrtlarstvu (proizvodnja krastavaca kornišona), te na nastavku izgradnje zajedničkih infrastrukturnih kapaciteta za unapređenje uslova u primarnoj poljoprivrednoj proizvodnji.

Dakle, naprijed navedene prioritetne oblasti predstavljaju smjernice aplikantima za izradu i predlaganje projekata, uz potrebu da projektne aktivnosti budu usmjerene prema krajnjim korisnicima na cijelom području grada Tuzla, koji će se odlučiti za nabavku novih resursa za poljoprivrednu proizvodnju u navedenim prioritetnim oblastima.

2. Tekući grant za razvoj primarne poljoprivredne proizvodnje, u ukupnom iznosu od **50.000,00 KM.**

Iz ovih sredstava podržat će se projektni prijedlozi čije se aktivnosti odnose na različite oblike i spektar podrške za proizvođače koji imaju već uspostavljenu proizvodnju, za koje je neophodna

podrška u cilju očuvanja dostignutog obima proizvodnje i uspostavljenih kapaciteta kroz ranije programe podrške Grada Tuzla. To uključuje mogućnost predlaganja podrške: na ime nabavke repromaterijala u prethodno naznačenim oblastima, identifikovanim kao prioritetnim za intervenciju, za koje će se obezbijediti podrška iz tekućeg granta s ciljem očuvanja dostignutog nivoa proizvodnje, zatim podrška u stručnom praćenju, pokrivanju troškova police osiguranja poljoprivredne proizvodnje, kamate na poljoprivredne kredite, participaciju u troškovima plasmana i unapređenja plasmana proizvedenih količina, projektne aktivnosti s ciljem promocije domaće poljoprivredne proizvodnje i slično.

Grad Tuzla zadržava pravo da sva raspoloživa sredstva planirana na gore navedenim pozicijama ne rasporedi i dodijeli za kandidovane projekte, u slučaju da kandidovani projektni prijedlozi ne zadovoljavaju zadane kriterije.

Dužina trajanja, odnosno period implementacije kandidovanog projekta može biti najkasnije do 31.12.2016. godine.

Osnovu za izradu projekta predstavljaju potrebe i interesi proizvođača, što je moguće sagledati koristeći raspoložive i dostupne informacije u procesu konsultacija sa udruženjima poljoprivrednika koja djeluju na području grada Tuzla, a koja prate, analiziraju i zastupaju potrebe proizvođača-svojih članova.

Također, u Službi za razvoj, poduzetništvo i društvene djelatnosti dostupni su obrađeni podaci o potrebama i interesima poljoprivrednika i građana Tuzle, koji su iskazani anketiranjem građana, provedenim u toku mjeseca februara tekuće godine.

Ukoliko je potrebno, moguće je obratiti se i za dodatne informacije i podatke u procedurama konsultacija u ovoj Službi.

U skladu sa Pravilnikom o utvrđivanju kriterija i postupka za dodjelu sredstava na ime učešća Općine Tuzla u razvoju primarne poljoprivredne proizvodnje (u daljem tekstu: Pravilnikom), između kandidovanih prijedloga projekata izvršiće se odabir projekta čije će se aktivnosti, odnosno realizacija, podržati iz namjenskih sredstava planiranih Budžetom Grada Tuzla za 2016. godinu.

Zainteresirani subjekti za učešće u ovom Javnom pozivu-aplikanti, potrebno je da projektnim prijedlogom obuhvate što veći broj individualnih poljoprivrednih proizvođača, analizirajući pri tome prijedloge udruženja koja u krajnjem zastupaju potrebe poljoprivrednih proizvođača, kao i potrebe registrovanih fizičkih i pravnih lica koja djeluju u oblasti primarne poljoprivredne proizvodnje, a u cilju što sveobuhvatnijeg i kvalitetnijeg zadovoljavanja interesa i potreba poljoprivrednih proizvođača (krajnjih korisnika).

II. Pravo učešća:

Učešće u ovom Javnom pozivu je otvoreno, na jednakim osnovama, za sva formalno registrovana udruženja i poljoprivredne zadruge (u daljem tekstu: Aplikanti) sa sjedištem na području grada Tuzla, koji aktivno djeluju na pružanju podrške poljoprivrednim proizvođačima i koji se općenito bave razvojem poljoprivrede, te stvaranjem uslova za razvoj i unapređenje poljoprivrede kao bitnog faktora lokalnog ekonomskog razvoja, a koji imaju odgovarajući stručni kadar, materijalno tehničke i ostale kadrovske pretpostavke za izradu i implementaciju projekta koji će, s aspekta projektnih aktivnosti i područja implementacije biti sveobuhvatan, odnosno koji će obuhvatiti proizvođače sa cijelog područje grada Tuzla i u svim oblastima poljoprivrede u kojim će se realizirati programska podrška.

Aplikanti mogu biti sa sjedištem izvan područja grada Tuzla, ako su formalno registrovani u Bosni i Hercegovini, ako je realizacija konkretnog projekta od interesa za grad Tuzlu i realizovat će se na području grada Tuzla.

Svi zainteresovani aplikanti detaljne informacije o uslovima apliciranja i kriterijima za odobravanje podrške mogu pronaći u Smjernicama za podnositelje projekta, koje su dostupne u okviru ovog Javnog poziva.

III. Preuzimanje dokumentacije:

Prijavna dokumentacija po ovom Javnom pozivu može se preuzeti odmah po objavljivanju javnog poziva slanjem zahtjeva sa nazivom zainteresovane organizacije na e-mail: **nevresk@tuzla.ba** i **dijanad@tuzla.ba** ili lično preuzimanjem u Službi za razvoj, poduzetništvo i društvene djelatnosti Grada Tuzla (glavna zgrada Općine Tuzla, II sprat, kancelarija broj 229).

Također, tekst javnog poziva i elektronska verzija cijelog paketa prijavne dokumentacije može se naći na službenoj internet stranici Grada Tuzla: **www.tuzla.ba** .

IV Predaja aplikacija:

Prijave projekata na Javni poziv, posebno za finansiranje iz sredstava kapitalnog granta, a posebno za finansiranje iz sredstava tekućeg granta, podnose se na propisanom obrascu, sa kompletnom zahtjevanom dokumentacijom, u zatvorenoj koverti, a predaju se u Pisarnicu Grada Tuzla ili šalju preporučenom poštom na adresu:

GRAD TUZLA
Služba za razvoj, poduzetništvo i društvene djelatnosti
Ulica ZAVNOBIH-a broj 11
75000 Tuzla

sa obaveznom naznakom: „**Za Javni poziv za predlaganje projekata iz oblasti razvoja primarne poljoprivredne proizvodnje na području grada Tuzla za 2016. godinu - Ne otvarati prije zvaničnog otvaranja**“

Javni poziv je otvoren **15 dana** od dana objavljivanja, odnosno **zaključno sa 14.06. 2016.godine.** Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Nepotpune i neblagovremene prijave neće se uzeti u razmatranje.

O primljenoj pošiljci u Gradu Tuzla će se voditi uredna evidencija i izdavati potvrde o prijemu.

Sve dodatne informacije o načinu i postupku učešća u Javnom pozivu mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona: 035 307 380 i 307-413, te slanjem pitanja na e-mail adresu: **nevresk@tuzla.ba** i **dijanad@tuzla.ba** sa naznakom za javni poziv.

Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi sa njihovim prijedlogom projekta, u roku od 30 dana od dana zatvaranja javnog poziva.

Rezultati će biti objavljeni na web stranici Grada Tuzla: www.tuzla.ba .